

## RELAZION DE FIN DL ANN 2022 ASSESSORAT STREDES – EGA

### INFRASTRUTTURES

**Streda Sneton:** d'ansciuda dl 2022 iel unì finà via i lëures tla streda sneton, ulache n à fat duta la nfrastrutture nuove. N à nce cumeda ca l troi che va da Col de Mureda ju tla streda Stazion y metù su la iluminazion nueva.

**Streda Nevel:** tlo an mudà ora la rola dal'ega da beber y la iluminazion, metù sot a tiera i cabli dal strom y tüt demez la stanges dal strom che fova mo ti prei dl luech dl Cecer, asfaltà y metù su n guardrail nuef per la segurèza. Nce chisc lëures an finà via d'ansciuda.

**Puent dl Scioler:** lëures finei via d'ansciuda dl 2022 y dut ie jit bèn. Sèn an inò n puent segur y fat a puntin.

**Proiet lumes:** n gran lëur che ie jit inant ntan dut l instà. 160 de vedla lumes de streda an mudà ora te plu stredes dl luech, n les à adates al model de lumes che fova bele tl luech, cun pëires a LED cun chèi che n garantësc nce n sparani de strom. Chësc lëur ie unì tüt tla mans da Sara Stuflessler, che ti ie nce stata do y a d'èila ti val perchël n gran de gra.

**Asfalt:** plu stredes che n ova de bujën ie unides asfaltedes da nuef.

**Salejà:** n à cumeda ora i cubetti ntëur la funtana sun Pitla Plaza de Sant Antone y sun l prim tòch de streda dl raion da jì a pe, oradechèl nce sun la plaza dai auti tla streda Stazion y n tòch dan la cësa de paussa.

### DE MÈNDRI LÈURES PRA STREDES

**Streda Stufan:** pitl mur cun na sief de fier nueva tla raida da Comploj Peter. N se à metù a una cun l patron a na maniera che n à pudù slargè nce la streda te chèl tòch strënt.

**Mur streda Sacun:** n à cumeda su n tòch dl gran mur pra streda, che fova scialdi melciafià cun i sasc che manaciova de tumé ora. Fugan chësc da nuef cun mauta, an pudù varenté chësc tòch de mur, schivan nsci de messèi tosc fé de majeri lëures. Tl 2023 cumederàn nce l segondo tòch.

**Sieves:** per garantì la segurèza an mudà ora la sief de fier dl puent de Sant' Anna (Secèda) da tramedoi pertes y metù su na sief de fier nueva pra la plaza dai auti sa Jumbierch.

**Cuncé tombini:** n à dat su la ncèria de cumedé su zirca 20 tombini tla stredes dl luech, che manacia de rumpì ite pervia di for majeri pëisc che i muessa tenì ora.

## LÈURES CHE VÈN FAC AL MUMÈNT O CUN CHÈI CHE N SCUMENCERÀ TOSC

**Streda Pedetliva:** I vèn fat inant cun i lèures scumencei d'autonn dl 2022, ulache I vèn mudà ora la vedla rola dal'ega da beber, pià su miec l'ega dla plueia y anjenià ca miec la pitla plaza dan Gustin.

**Streda Sacun:** nce cun chisc lèures, che muev dala capela di tumei y ruva su nchin sal luech de Plajes, scumencei d'autonn dl 2022 an metù man inò do Pasca. Šèn vèniel mo cumedà I tretuar, metù su na sief nueva, asfaltà y finà via dut a puntin.

**Cabina dal strom ta Nis:** I ie unì frabicà truepa cèses nueves tl raion ta Poz y perchël an messù ngrandì la cabina per ti garantì I strom a chèi che sta iló ntèur. I lèures va bel plan a piz.

**Egaduz da Sacun:** d'autonn 2022 an fat na ancunteda cun i zitadins da Sacun per ti spieghé avisa I proiet. L se trata de na nfrastutura de gran mpurtanza per Sacun. Cun i lèures scumenceran šèn d'ansciuda y jirà inant ntan dut I instà.

**Acurdanza per lèures (Accordo quadro – Rahmenprogramm):** d'autonn dl 2022 an scrit ora chësc lèur. N à fat n cuntrat cun na firma per 3 ani. Chèsta sarà a desposizion dl Chemun per fé d'uni sort de mëndri y majeri lèures che va de bujën, lèures che i lauranc de chemun ne à nia la puscibltà de fé. I priejes ie scric dant tl cuntrat, nsci che n ne muessa nia scrì ora i lèures uni iede y n se sparania n grum de burocrazia.

**Asfalt:** nce per I 2023 an udù dant de asfalté plu stredes.

**Streda Rumanon:** lèures scric ora ala fin dl 2022. La nfrastutures dla streda Rumanon vèn fates da nuef (eghes blancs, fosces y ega da beber). Nce la lumes unirà mudedes ora. Cun i lèures scumenceran de mei.

## LÈURES CHE N IE TL LÈUR DE PROIETÉ

**Streda Sacun:** terzo y cuarto lotto te un n proiet.

**Ncrëusc streda Sobosch - streda Scurcià:** I proiet de slargë chësc ncrëusc ie a n bon pont. N cialerà de I purté a bon fin al plu prësc.

**Roles dl'ega da beber de Plan de Cunfin:** proiet per mèter ju na rola nueva dala fontanes nchin ja lènder/La Popa.

**Streda Praruf:** ntreda nueva y mèter al segur dala gran eghes la streda Praruf (che ie tla zona cuecena) nchin ora Socrëp.

**Streda Mureda:** orainsom tla zona Pradac-Grien iel da mudé ora la rola dal'ega da beber che ie vedla y streva, mplu iel mo da spartì l'eghes blancs dala fosces.

**Streda Cuca:** I vèn laurà inant sun I proiet definitiv.

**Proiet lumes:** Otto Vinatzer, che à venciù la proietazion, se cruzierà de anjenië ca l proiet per mudé ora la vedla lumes che ie mo a Urtijèi (ca. 150). Sara Stuflesser se cruzierà inant de chësc proiet.

### ASSESSORAT EGA

**Funtana Col dala Cëures:** do che n ova udù che truepa ega jiva perduda, an pià su miec la funtana te chësc raion. N bon lëur de fat ajache sën jetela scialdi deplù. Chësc fova de bujën ajache l ie mo da ti dé ega al Cason ora che ala hutia de Resciesa y ala pastura.

- Mudà ora n tòch de vedla rola dal'ega che stravova (ca. 170 m) da Nevin da Pilat "Pizaut" nchin dal resservar da Juaut.

- N à cumprà n aparat per crì ulache l passa la roles. L vedl ne butova nia plu. Y nce n auter aparat per unì sëura ulache la roles streva, nsci che n sebe avisa sce n cajo ulà giavé su.

- l lauranc à cuncià te plu posc ulache vel' rola stravova y leva ora regularmënter i resservares.


- Ancunteda dla cumiscion dal'ega per se rujené de problematiches n chësc cont. Deberieda cun l biologh Ludwig Moroder iesen tl lëur de crì soluzions a vel' pitl mpaziamënt che ie uni tant.

- Regularmënter vëniel fat la proves dl'ega scrites dant.

- Per l di nternaziunel dl'eghes an fat na trasmiscion sun Radio Gherdëina dantaldut per sensibilisé a sparanië ega te chisc tèmps de suta.

Ulësse tò l'ucajion per rengrazië duc chëi che lëura ti ufizies de chemun, chëi dl ufize tecnic che me juda y me dà cunsëies, n gran de gra nce ai doi vardians dal'ega per dut si mpëni y ai lauranc dl magasin de chemun.

Assessëur Kostner Rodolfo



Urtijèi, 17.04.2023

